



Broj/Broj: 03-50-3-1303, 1303-2, 1303-3/09,
Sarajevo/Sarajevo, 18. 01. 2010.godine

IZVJEŠTAJ

o održanim javnim tribinama o temi "Parlamentarni nadzor nad radom obavještajno-sigurnosnih službi"

U skladu s Planom rada za 2009. godinu Zajedničke komisije za nadzor nad radom OSABiH, održane su tri javne tribine o temi: "Parlamentarni nadzor nad radom obavještajno-sigurnosnih službi". Kao jedan od prioriternih zadataka, Komisija je utvrdila da će održati javne tribine s ciljem uspostavljanja bolje saradnje s visokoškolskim obrazovnim institucijama u Bosni i Hercegovini.

Cilj održavanja javnih tribina je upoznavanje učesnika s materijom iz oblasti parlamentarnog nadzora obavještajno-sigurnosnih službi i provođenja Zakona o zaštiti tajnih podataka u BiH.

Učesnici javne tribine bili su: članovi Zajedničke Komisije za nadzor nad radom OSABiH, predstavnici Obavještajno-sigurnosne agencije BiH, predstavnici Ministarstva sigurnosti BiH, predstavnici ministarstva unutrašnjih poslova, profesori i studenti: pravnih fakulteta, filozofskih fakulteta, fakulteta sigurnosti i zaštite, političkih nauka, škole unutrašnjih poslova, te predstavnici: Štaba NATO-a u Sarajevu, OSCE-a i USAID-a PSP u BiH.

Održavanje javnih tribina Komisija realizira u okviru projekta Ministarstva vanjskih poslova Kranjevine Norveške – Norveškog instituta za međunarodne odnose NUPI – ja, na osnovu donacije sredstava Komisiji.

I. Prva javna tribina održana je 3. 12. 2009. u Banjoj Luci, na Fakultetu za sigurnost i zaštitu

U ime Komisije javnoj tribini su prisustvovali: Mirko Okolić, Božo Rajić, Šemsudin Mehmedović, Drago Ljubičić, Slavko Jovičić i Zoran Koprivica.

Javna tribina održana je u saradnji s Fakultetom za sigurnost i zaštitu.

Učesnicima javne tribine obratio se Mirko Okolić, predsjedavajući Komisije.

Zahvalio se dekanu Fakulteta za sigurnost i zaštitu prof. Dragomiru Jovičiću što je prihvatio prijedlog da ovaj fakultet bude domaćin Javne tribine.

Okolić je istakao da je ovo jedinstvena prilika da se, pored ostalih, i studenti fakulteta iz oblasti prava, sigurnosti i novinarstva upoznaju s parlamentarnim nadzorom nad obavještajno-sigurnosnim službama i propisima kojima su uređene ove oblasti.

Naglasio je da je Komisija u proteklom periodu intenzivno radila na afirmaciji parlamentarnog i uopće demokratskog nadzora nad radom obavještajnog sektora.

Konstatirao je da su iznesena mišljenja na javnoj tribini itekako važna, važan je stav civilnog društva i na osnovu izlaganja uvaženih predstavnika institucija, profesora i diskusija, prilika je da se pronađu kvalitetna rješenja za unapređenje rada u ovoj oblasti. U tom smislu članovi Komisije očekuju da će i ova tribina biti uspješna i za sve korisna.

Zatim se skupu obratio prof. Dragomir Jovičić, dekan Fakulteta za sigurnost i zaštitu.

Prof. Jovičić pozdravio je članove Komisije i ostale učesnike tribine.

Naglasio je da je Fakultet za sigurnost i zaštitu počastvovan održavanjem ove javne tribine, te da ih i ubuduće treba održavati radi upoznavanja studenata o parlamentarnom nadzoru i uopće o sigurnosnim službama.

Nakon uvodnih obraćanja prešlo se na raspravu po programu javne tribine.

Moderator javne tribine bio je Christian Haupt, direktor USAID-a PSP u BiH

Tema: " Nadzor nad radom obavještajno-sigurnosnih službi"

U ime Obavještajno-sigurnosne agencije BiH, prezentaciju je imao Siniša Đukić, zamjenik direktora Centra za obuku. Upoznao je učesnike o značaju i ulozi obavještajnih struktura u borbi protiv globalnih prijetnji te načinima i vrstama prikupljanja tajnih podataka kao što su prikupljanje iz ljudskih izvora, prikupljanje pomoću tehničkih sredstava, putem komunikacijskih i otvorenih izvora.

Također je prisutne upoznao s odredbama Zakonom o OSABiH, te s tim u vezi i njenim nadležnostima. Naglasio je da su obavještajne službe važan instrument u otklanjanju sigurnosnih prijetnji i njihov rad može značajno doprinijeti u donošenju kvalitetnih odluka nosilaca vlasti u BiH.

Zatim se prisutnima obratio Rohan Maksvel, predstavnik Štaba NATO-a u Sarajevu. Štab NATO-a podržava održavanje ove javne tribine. Također, NATO podržava jačanje parlamentarnog nadzora nad sigurnosnim agencijama. NATO ustupa svoje stručnjake i nastoji koordinirati između sigurnosnih agencija. Također, prate kako se ustupaju tajni podaci, te u tom smislu da li se poštuju standardi NATO-a i Sporazum o razmjeni tajnih podataka.

U ime Ministarstva sigurnosti BiH, prezentaciju je imao Munib Isaković, šef Odjela za zaštitu tajnih podataka. Prezentacija se odnosila na upoznavanje s radom Ministarstva sigurnosti BiH. Posebno se osvrnuo na upoznavanje s odredbama Zakona o zaštiti tajnih podataka.

U ime Komisije, prezentaciju je imao Mirko Okolić, predsjedavajući Komisije.

Predsjedavajući Komisije upoznao je učesnike sa osnovama nadzora nad radom obavještajnih službi u savremenim demokratskim društvima, značajem službi kao instrumenta vlasti, ali i potrebom za nadzorom zbog mogućih zloupotreba i propusta. Predstavio je različite oblike nadzora kao što su parlament, vlada, ombudsmen, mediji, sudovi i unutrašnja kontrola, naglasivši značaj njihove saradnje kao jedinog garanta uspješnog i efikasnog nadzora. Govorio je još o načinu parlamentarnog nadzora u BiH te o radu, sastavu i nadležnostima Zajedničke komisije.

U nastavku je uslijedila rasprava i postavljanje pitanja studenata na koja su odgovarali podnosioci prezentacija i članovi Komisije.

Na kraju se, u ime Komisije, Mirko Okolić zahvalio svima na učešću i doprinosu radu ove javne tribine. Posebno se zahvalio profesorima koji su prihvatili prijedlog Komisije da se ova tribina održi. Studenti su sigurno stekli određena saznanja koja će im sigurno pomoći u njihovom daljnjim studijama.

Također se zahvalio Vladi Kraljevine Norveške koja je donirala finansijska sredstva za održavanje javne tribine, te predstavnicima OSCE-a, Štaba NATO-a u BiH, USAID-u PSP u BiH koji su učestvovali u njenoj organizaciji. Zahvalio se i predstavnicima medija koji su pratili ovu javnu tribinu.

II. Druga javna tribina održana je 10. 12. 2009. u Zenici, na Metalurškom fakultetu

Javna tribina održana je u saradnji s Pravnim fakultetom u Zenici.

U ime Komisije javnoj tribini su prisustvovali: Mirko Okolić, Šemsudin Mehmedović, Slavko Jovičić, Hilmo Neimarlija i Hazim Rančić.

Moderator javne tribine bio je Christian Haupt, direktor USAID-a PSP u BiH.

Skupu se, u ime Univerziteta, obratio Safet Brdarević, zamjenik rektora. Pozdravio je održavanje javne tribine i izrazio zadovoljstvo što je Komisija izabrala Zenicu za mjesto njenog održavanja.

U ime Komisije, predsjedavajući Mirko Okolić pozdravio je učesnike javne tribine. Nakon uvodnih obraćanja, prešlo se na raspravu po programu javne tribine.

Tema: " Nadzor nad radom obavještajno-sigurnosnih službi"

Predstavnik Obavještajno-sigurnosne agencije BiH Zoran Vukadinović govorio je o značaju reforme obavještajno-sigurnosnog sektora u tranzicijskim zemljama u koje spada i BiH. Rekao je da su stvorene nove službe kojima su precizno definirani zadaci a najvažniji su zaštita ustavnog poretka. Posebno je istakao značaj ovih službi koje treba da idu u korak sa savremenim službama. Istakao je da su razvijeni demokratski mehanizmi kontrole te da nemaju alternativu jer sprečavaju zloupotrebu i povredu ljudskih prava. Zatim je prisutne upoznao s nadležnostima i zadacima OSABiH.

Zatim je prezentaciju podnio Munib Isaković, šef Odjela za zaštitu tajnih podataka u Ministarstvu sigurnosti BiH. Upoznao je učesnike s radom Ministarstva sigurnosti BiH. Posebno se osvrnuo na upoznavanje s odredbama Zakona o zaštiti tajnih podataka.

O temi demokratskog nadzora obavještajno-sigurnosnih službi govorio je Mirko Okolić, predsjedavajući Komisije.

U nastavku seminara uslijedila je rasprava i postavljanje pitanja studenata na koja su odgovarali podnosioci prezentacija i članovi Komisije.

III. Treća javna tribina održana je 17. 12. 2009. u Sarajevu, u Parlamentarnoj skupštini BiH

Javnoj tribini prisustvovali su članovi Komisije: Mirko Okolić, Šemsudin Mehmedović, Slavko Jovičić, Zoran Koprivica i Hazim Rančić.

Prisustvovao je i Jan Brathu, ambasador Kraljevine Norveške u BiH.

Moderator javne tribine bio je Christian Haupt, direktor USAID-a PSP u BiH.

Nakon pozdravnih riječi predsjedavajućeg Komisije, skupu se obratio Jan Brathu, ambasador Kraljevine Norveške u BiH.

Podržao je rad Komisije i istakao da je ona radila na afirmaciji parlamentarnog nadzora. Rekao je da iz iskustva Kraljevine Norveške čvrsto vjeruje da je parlamentarni nadzor jednog od ključnih pitanja. Drago mi je što je Komisija ostvarila značajan napredak, rekao je ambasador. Naglasio da je saradnja Komisije treba da bude nastavljenja i s drugim agencijama. Međusobna saradnja institucija u oblasti sigurnosti predstavlja preduslov za njihov uspješan rad.

Neophodno je da građani steknu povjerenje u rad sigurnosnih agencija te da one treba da budu u njihovoj službi. One za svoj rad treba da dobiju smjernice od Parlamenta. Čestitao je Komisija na uspješnom radu i zaželio da nastave tim putem i imat će podršku Kraljevine Norveške.

Također se prisutnima obratio i Jasmin Ahić, u ime Fakulteta kriminalističkih nauka u Sarajevu. Zahvalio se Komisiji što je pozvala profesore i studente ovog fakulteta da učestvuju na javnoj tribini

Nakon uvodnih obraćanja prešlo se na raspravu po programu javne tribine.

Tema: " Nadzor nad radom obavještajno-sigurnosnih službi"

Jasmin Ahić je u okviru prezentacije naglasio da je sigurnost sistemska djelatnost te da izolacija u ovim službama nije dopuštena.

U ime Ministarstva sigurnosti BiH, prezentaciju je imao Munib Isaković, šef Odjela za zaštitu tajnih podataka. Upoznao je učesnike s radom Ministarstva sigurnosti BiH. Posebno se osvrnuo na upoznavanje s odredbama Zakona o zaštiti tajnih podataka. Naglasio je da Ministarstvo u svom radu imalo dobru saradnju s Komisijom.

U nastavku seminara uslijedila je rasprava i postavljanje pitanja studenata na koja su odgovarali podnosioci prezentacija i članovi Komisije.

Na kraju, predsjedavajući se zahvalio na učešću u javnoj tribini. "Siguran sam da ste dosta čuli i upoznali se sa radom Komisije a ujedno i sa parlamentarnim nadzorom nad sigurnosnim agencijama. U ovoj oblasti treba da širite svoja znanja, educirate se, te da koristite informacije državnih institucija, da uđete u živu materiju parlamentarnog nadzora.

Mi smo za naš rad u Komisiji dobili pohvale međunarodnih predstavnika i s tim u vezi satisfakciju da još bolje ubuduće radimo".

Dostavljeno:

-Komisiji

- a/a

**Predsjedavajući Komisije
mr. Mirko Okolić**